

PINIARNEQ 2020

AALLAANIARTUNUT PAASSISUTISSAT PISANILLU NALUNAARSUIFFIIT



EQQAAMAJUK!

**Pisatit kingusinnerpaamik oktobarip
15-iani nalunaarutigissagakkit.**

Tamanna kiisalu piniarnermut allagartamik nutaamik qin-
nuteqarneq imminut sullinnikkut www.sullissivik.gl-imi
imaluunniit kommunip sullissiviani pisinnaavoq

KALAALLIT NUNAANNI PINIARNERMI ILEQQORISSAARNEQ

*Piniarneq pillugu Siunnersuisoqatigiit aamma Aalisarnermut,
Piniarnermut Nunalerinermullu Naalakkersuisoqarfik*

Piniakkagut assigiinngitsorpassuit pinngortitarlu alutornartorsuaq piniarnermi naleqanngitsunik misigisaqarnissamut periarfissiipput, pisaq puisuipput, arfuupput, umimmaappat timmiaappalluunniit apeqquataatinagu. Nunatsinni piniarnermi ileqqorissaarnertut isigineqartut immikkoortuni tallimani tulliuuttuni allaaserineqarput.

- 1) Piniarneq tamarmi inatsisit atuuttut naapertorlugit ingerlanneqassaaq. Taamaattumik piffissaliussat piniarfissat, nunat piniarfissat pisassiisutillu atuuttut paasiniakkit, aamma illit kommunerisappit avataani aalajangersarneqartut. Nunat eqqissimatinnegartut aamma timmiaqarfiit eqqaanniittut sumiiffiit immikkoortitat illersugaasut ataqqikkit taamaalilluni timmissat eqqissimallutik piaqqisinnaaqqullugit amerleriarsinnaaqqullugillu.
- 2) Piniarnerup nuannersuuneranut ilaavoq uumasup pisariaqanngitsumik naallitsinneqannginnissaa. Taamaattumik pingaaruteqarpoq aallaasini sulloqqortusutsip eqqortup atorneqarnissaa isumannaatsumillu ungasippallaanngitsumiit aallaanninngisaannarit. Uumasup aatorneqarsimasup nammanneqarnissaa qaniillisarniarlugu uumasut pissatarineqassanngillat ungoorneqassanatillu.
- 3) Nunatsinni inoqutigiinnut, atisanut aamma eqquimiitsuliornikkut atortusiassanik atuinitsinni uumasup tamarmiusup atorneqarnissaa ileqqoraarput. Taamaattumik pisaqaruut neqi allallu nerineqarsinnaasut, atorneqarsinnaasullu allat tamakkerlugit nassartakkit. Taamaaliornikkut pisuussutit uumassusillit ataatsimut pigisavut pitsaanerpaamik pissarsiffigissavagut.
- 4) Piniariarlutit aallannginninni sakkutit misissoqqaakkit. Aallaasivit piniagassanut atorneqartinnagu oqattaatigineqarsimanissaa isumannaaruk. Uumasup aallaaniakkavit tunuaniittoqarnerisat tamatigut misissoqqaartassavat. Inuit allat, inissiat, angallatit allallu tungaanut aamma illoqarfiup iluani seqqunngisaannarit.
- 5) Uumasut pizarisatit pillugit tamatigut allattuivaannarit taamaalillutit piniarnermut allagartat nutarterneqartussanngorpat ukiumoortumik immersugassat ajornannginnerusumik immersorsinnaaqqullugu. Piniagassat killilersukkat tamaasa pillugit pisanik immikkut nalunaarsuiffissaq immersoruk utertillugulu, taamaalilluni piniagassaqaassutsit ineriartorneri pillugit ingerlatsivik sapinngisamik pitsaanerpaamik ilisimasaqalersillugu.

Pinngortitaq imaannaanngitsoq nunalu annertoq pillugu isumannaallissaaneq annertuumik pingaartinneqassaaq. Mappersakkap matuma ungaluani imaatigut isumannaallisaaneq pillugu annertunerusumik atuariat.

PINNGORTITAMI MISIGISAT AAMMA IGITAT

Pinngortitaq alianaatsuvoq nunatsinni sumulluunniit pigaluaaraanni. Ukiunili kingullerni nunani tikitani alianaatsortaa takujuminaallisimavoq. Siusinnerusukut nunat alianaatsorsuusimasut maannakkut igitanik qimaannakkanik, puigukkanik imaluunniit aalisarnermut piniarnermullu atortunik qimaannakkanik annaasanillu mingutsinneqarsimapput. Taamatut ileqqoqalersimaneq piaarnerpaamik unitsittariaqarparput. Pinngortitameereernerup kingorna saliinissaq igitassallu il.il. illoqarfimmut nunaqarfimmulluunniit oqqunnissaat ajornartorsiutaasariaqanngilaq. Illoqarfinni amerlanerni umiarsualiviit eqqaanni containerit eqqaaviit inissinneqarsimapput, igitassallu iginneqarnissaat akeqarani.

Taamaattumik angalasimagaangavit igitassatit tamatigut nassartakkit. Taamaasiorneq uagutsinnut, kingulissatsinnut, pinngortitami piniarnermilu pitsaanerpaamik misigisaqartitsissaaq.

Piniarluarina!



Pisanik neqinik qimatsisarneq inerteqqutaalluinnarpoq.

Det er strengt forbudt at efterlade kød fra fangst.

AQUTSIVIMMIIT NUTAARSIASSAT

TUTTUNNIARNISSAMUT AKUERSISSUTIT PISANIK NALUNAARUTITALIMMIK UTERTINNEQARTUSSAAPPUT

Nunatsinni inuussutissarsiuti-galugu sunngiffimmilu piniartut tuttunniarnermik nuannarisartuupput, tamanna tuttunniarnissamat akuersissutit tunniunneqartartut amerlassusaat malillugu malunarlunnarpoq. Illoqarfinni nunaqarfinnilu sumiiffinni sullissiviit piniartunut tuttunniarnissamat akuersissutinik tunniussisartuupput, taamatuttaarlu akuersissutit tunniunneqartut utertinneqartullu nalunaarsortarnissaat pillugu suliaqartartuullutik. Piniartut akuersissuteqarnertalimmik tuttunniarsinnaalernermi inatsisit malillugit akuersissutip tunuaniittumik pisanik nalunaarsuiffimmik immersuinisamik pisussaaffeqalerput taamatullu aamma akuersissutip utertinneqarnissaanik. Akuersissummik immersuinikkut pisanik nalunaaruteqarnermi pisaqarfiit, tuttu suiaassusaat, utoqaassusaat aamma tunnoqassusaat nalunaarutigineqartartussaapput.



Tuttut pizarineqartut pillugit nalunaarutigineqartartut APNN-ip aqutsinermi aamma biologit inassuteqaasiornermi atortarpaat, inassuteqaasiornissamullu pitsaanerpaamik tunngaveqarnissaq tassaalluni tuttoqatigiit pillugit sukumiisumik ilisimasaqarnissaq. Pisanik nalunaaruteqarnissaq taamaalilluni pingaaruteqarlunnarpoq, allaat Piniarnermut Naalakkeruisumit tuttunniarnissamat pisassiissutinik piffissaliussanillu aalajangiinissamat atorineqartarlutik.

Akuersissutit tamarmik pisanik nalunaaruteqarnermik immersornissaat utertinneqartarnissaallu APNN-miit ilaatigut TV-kkut allagartalersuinikkut ukiuni kingullerni sulissutigineqarpoq, kisianni akuersissutit utertinneqanngitsut sulil amerlavallaarlutik.

APNN-mi maleruagassat maannakkut sukaterineqarnissaat sulissutigineqarpoq ilaatigullu piniarnermut aallaaniarnermullu inatsisip nutarterneqarnerani tuttunniarnissamat umimmanniarnissamullu pisanik nalunaaruteqartannginneq pillugu immikkut sukaterisoqarluni. APNN-miit eqqaasitsissutigissavarput uteqqiattumik pisanik nalunaaruteqarnissaq pillugu nalunaarutini piumasaqaatit naammassineqanngitsut pineqaatissiisutaasinnaammata taamaattumillu APNN-miit ilunger-sorluta tuttutatit umimattatillu nalunaarutigineqarnissaat piumasaraapput.

Tuttunniarnissamut akuersissutit 2018-mi tunniunneqartut utertinneqartullu illoqarfinni makkunani Sullissiviit suleqatigalugit nalunaarsorneqarsimapput kisitsisinnorlugillu imaapput:

Nuuk	Tunniunneqartut	Utertinneqartut	Procent-inngorlugu
Sunngiffimmi	2.410	664	27,6 %
Inuussutissarsiuti-galugu	205	48	23,4 %
Sisimiut	Tunniunneqartut	Utertinneqartut	Procent-inngorlugu
Sunngiffimmi	584	290	49,7 %
Inuussutissarsiuti-galugu	114	68	59,6 %
Maniitsoq	Tunniunneqartut	Utertinneqartut	Procent-inngorlugu
Sunngiffimmi	353	196	55,5 %
Inuussutissarsiuti-galugu	*	*	*
Aasiaat	Tunniunneqartut	Utertinneqartut	Procent-inngorlugu
Sunngiffimmi	230	144	62,7 %
Inuussutissarsiuti-galugu	99	64	64,6 %
Qeqertarsuaq	Tunniunneqartut	Utertinneqartut	Procent-inngorlugu
Sunngiffimmi	38	22	57,9 %
Inuussutissarsiuti-galugu	42	24	57,1 %

*: Kisitsisit pineqartut Maniitsumeersut pissarsiarineqarsinnaasimanngillat.

PINIARNERMUT ALLAGARTAT – UKIUMOORTUMIK PISANIK NALUNAARNEQ, QANOQ NALUNAARTARPAT AAMMA SOOQ NALUNAARTARPAT

Piniarnermut allagartat nutarterniarukku ukiup siuliani pisatit nalunaappaassavattit. Imminut sullinnissamut periarfissaq www.sullissivik.gl aqqutigalugu atorsinnaavat imaluunniit kommuunip sullissiviani Aalipi atorlugu.

Aalipip ingerlaannaq ukiumut pisanik nalunaarsuiffissaq nuisittarppaa.

Eqqumaffigissavat nammineq sullissivinnii piniariaatsit assigiinngitsut toqqangassaammata, ukiumut nalunaarsuiffissamiillu pappilamit toqqagassaqarnerulluni. Pisanik nalunaarsuiffik ukiup ingerlanerani qaammatit tamaasa eqqaamatississutisatut atorpeqarsinnaavoq.

Paasissutissat aqutsisoqarfik pisat pillugit paasissutissanik pitsaasunik qulakkeerinnissaq taamaasillunilu siunnersuineq pitsaaneq.

Uumasut piniagassat pisat qaammallu sunaanersoq nalunaarutigineqassapput:

- Pisat amerlassusaat piniariaaserlu (sakkoq= aallaat imaluunniit qassutit)
- Pisisuukkat amerlassusaat
- Pissaasat kivisallu

Uumasut piniagassat aallaammik pisatut nalunaarsorneqarsinnaapput, taamaattu-millu pissaatut kivisatullu. Imarmiut miluumasut tamarmik timmissallu pisari-suukkatut nalunaarsorneqarsinnaapput.

Kisimi puisit qilalukkat qaqortat qernertallu qassutinik pisatut akuerineqarni-kut nalunaarsorneqarsinnaapput.

Pisisuukkat pitsaanagerusumik nalunaarsorneqarnissaat nunatsinni nunanilu al-lani ukiuni qulikkaaruni kingullerni eqqumaffigineqaraluttuinnaapput. Taamaam-mat pisisuukkat ikilineqarnissaat sulissutigineqarpoq, tamannalu aalisartumut piniartumullu iluaqutaassalluni. Nunatsinni aalisarnermi MSC-mik nalunaarusia-liortarneq atatillugu aamma pitsaanagerusumik nalunaaruteqarnissaq ukkatarineqar-poq.

Pissaasat annaasallu pillugit paasissutissat piniartumut ataasiakkaamut erser-sittarpaa seqqornermi piniagaq eqqortumik aallaaneqarsimanersoq piaartumik toqunneqarnissaa eqqarsaatigalugu, kiisalu sulloqqortussuseq imassallu suunera eqqarsaatigalugu. Aallaaseq eqqortumik nakersarneqarsimanissaa aamma sunnee-qataassaaq. Pissaasat annaasallu amerlappata isumaqariaannaavoq toqutseriaaseq nalilersorneqartariaqartoq pitsanngoriarluni.

NUNAGIS NUTAAQ

Sivisuumik ujartorneqareerluni maannakkut Naalackersuisut NUNAGIS nutaaq saqqummiuppaat. Tamanna digitalimik periarfissaq tassaavoq Kalaallit Nunaanni geodata-t pillugu tamanut isaariaq; nunap immikkoortortui, nunap assingi taavalu sumiiffimmi pineqartumi nuna pillugu paasissutissat nassaarineqarsinnaapput. NunaGIS paasissutissanik assigiinngitsunik akunnermiliuttuavoq, tamannalu isumaqarpoq illoqarfiit, nunaqarfiit, asimi, Nuna Allannngutsaaliugaq, kommunit

nunallu immikkoortui pillugit paasissutissat sumiiffinnik assigiinngitsuninngaaneersunik inissisimaffeqartitsisuuusoq. Asimi angalaaraanni pinngortitaq, nammineq, avatangiisit taavalu aamma pissutsit allat misigisamut sunneeqataasut tamarmik eqqumaffiginissaat pingaaruteqarpoq. NunaGIS aqqutigalugu pisor-tatigoortumik pilersaarutit, ineriartortitsinissamut pilersaarutit, aatsitassiorfiit, sillimanermut immikkoortoq, sumiiffiit illersukkat il.il., taamatut sumiiffiit anga-laarfisassat qanoq pilersaaruteqarfiunersut paasineqarsinnaavoq.

Aqutsisoqarfinniit innuttaasunut, oqartussaasunut soqutigisaqartunullu allanut paasissutissat tamarmik nittartakkamik takutinnissaat periarfissaavoq. Tamanna isumaqarpoq aallaanianginnermi nammineerluni paasissutissat aaneqarsinnaalis-sapput. Taamaasilluni piffissami sivikinnerusumik sivilunerusumilluunniit piniar-figeqqusaanngitsumik piniarneq pinngitsoorneqarsinnaavoq. Aamma kingusinne-rusukkat inuttaasut nammineq paasissutissanik immersinnaalissavaat, aallaanianut soqutiginnittunullu iluaqutissat.

UNIOQQUTITSILLUNI PINIARTARNERIT

Aalisarnermut, Piniarnermut Nunalerinermullu Naalakkersuisoqarfiup Nunat-sinni tamanit unioqutitsilluni piniartarneq pillugu nalunaarutininik amerliartor-tunik tigusaqartarpoq. Nalunaarutigineqartartut ilaat tassaapput neqit qimatat, quttoqqat kisiisa, mattak iml ameq kisimi tiguneqarsimalluni, pisuussutitsinnik maanngaannartitsineruvoq, akiliisitsinermik arsaarinninnermillu kinguneqariaan-naalluni, aamma piffissat sumiiffillu piniarfiit avataani piniarneq aallaaniaarnerlu, kiisami akuersissuteqarani piniartarneq, taassumallu kingorna pisanik nalunaaru-teqannginneq.

Aamma unioqutitsilluni assartuutit motoorillit soorlu qamuteralaat taavalu all-terrain vehicles (ATV) sumiiffinni eqqissisimatitani atorneqarnerat annertusiar-torpoq.

Unioqutitsilluni piniartarneq Pinngortitaleriffik pisassiissutinut siunnersuuteqar-niaraangamik ajornartorsiortitsisinnaasarpur, Naalakkersuisullu aamma pisassiis-sutinik aalajangersaaniaraangamik, pisisimasat annertussusiviat naluneqarami. Taamanna ajornartorsiut saqqummeraangami Naalakkersuisut mianersortumik periutseq naapertorlugu pisassiissutinik aalajangersaasariaqartarsinnaapput, tamannalu pisassiissutinik ikinnerutitseriaannaavoq.

PINIARIANNGINNERNI AKUERSISSUMMIK PISSARSEQQAARIT

Taamaammat Aalisarnermut Piniarnermullu Naalakkersuisoqarfiup pisassiisutitinnik piniariartartunut tamanut kaammattuutigerusuppaa akuersissutininik alleqqaarnissaq piniariannginnermi. Tassami piniariannginnermi akuersissutininik piniappaarsimagaanni, piniariarfimmullu nassarlugu, akiligassat pineqaatissiissutaasinnaasullu allat pinngitsoorneqarsinnaammata.

Akiligassiisutitip tusintillit arlaqartut angusinnaasarpaa, apeqqutaalluni uumasut qassit, uumasuq suna taavalu aalajangersakkat qassit unioqquutissimanerlugit. Pisamik arsaarinninneq pineqarsimanngippat akiligassamik annertunermik takkuttoqarsinnaavoq, pisap nalinga akiligassamat ilanngunneqarsimassammat. Arlaleriarluni unioqquutitsinermi piffimmik aalajangersimasumik piniarnermik allagartaqaqqusaannginnermik kinguneqaataasinnaavoq.

Akuersissutissat piffissaqarluartillutit kommune sumiiffigisannut aaguk!



Piniarnermik nakkutilliisoq Hans Mølgaard akuersissutininik misissuisoq Jagtbetjent Hans Mølgaard udfører kontrol af licenser.

PINIAGASSAT ASSIGIINNGITSUT PILLUGIT PAASSISUTISSAT: INATSISIT, PIFFISSALIUSSAT AAMMA MALERUAGASSAT

NANNUT

Inatsisit: Kalaallit Nunaanni nannunniarneq inatsisitigut nannunik piniarneq illersuinerlu pillugit Namminersorlutik Oqartussat nalunaarutaat nr. 3, 14. sept. 2018-imeersumi malittarisassiuunneqarpoq.

Nannunniarnissamut piffissaliussat: Kalaallit Nunaata Kitaani (Qaanaaq-Nanortalik) septembarip aallaqqaataaniit juunip 30-iat ilanngullugu, Tunumilu (Ittoq-qortoormiit aamma Tasiilaq) oktobarip aallaqqaataaniit juulip 31-iat ilanngullugu.

Ilitsersuutit: Nannunik naammattuinnermi qanoq pissuseqarnissamut ilitsersuut Namminersorlutik Oqartussat nutarternikuuat, tassani aamma nannup toqunneqarnerata kingorna amia, niaquata saarnga aamma aqajarua qanoq passunneqasansersut ilanngunneqarlutik. Ilitsersuut aamma nittartakkami www.businessin-greenland.gl aqutugalugu pissarsiarineqarsinnaavoq.

Sulloqortussutsinut piumasaqaat: Cal. .30-06.

Pisarineqartut 2013-2018	2013	2014	2015	2016	2017	2018
Tamakkerlugit	127	143	142	120	142	158

AARRIT

Inatsisit: Aavernik piniarneq inatsisitigut aavernik illersuineq piniarnerlu pillugit Namminersornerullutik Oqartussat nalunaarutaat nr. 20, 27. oktober 2006-imeersumi malittarisassiuunneqarpoq.

Piniarnissamut piffissaliussat: Kalaallit Nunaata Kitaani aaveqatigiit 66°N – 70°30’N: martsip aallaqqaataaniit apriliip 30-iat ilanngullugu. Kitaani sumiiffiit avannarpasissutsip 70°30’N-ip avannaatungaani: oktobarip aallaqqaataaniit juunip 30-iat ilanngullugu. Tunumi: oktobarip aallaqqaataaniit juunip 30-iat ilanngullugu.

Sulloqortussutsinut piumasaqaat: Cal. .30-06.

Pisarineqartut 2013-2018	2013	2014	2015	2016	2017	2018
Tamakkerlugit	120	127	131	135	111	98

ARFERIT ANGISUUT

Inatsisit: Arfernik angisuunik piniarnermi pineqarput: tikaagullik, qipoqqaq, arfvik aamma tikaagulliusaaq. Piniarneqarneri inatsisitigut arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 9, 6. december 2018-imeersumi kiisalu arfattat angisuut pissatallu nalunaarutigineqartarnerat pillugu Namminersornerullutik Oqartussat nalunaarutaat nr. 12, 16. juli 2010-meersumi malittarisassiuunneqarput.

Piniarnissamut piffissaliussat: Arfvik: martsip aallaqqaataaniit decembarip 31-iat ilanngullugu. Tikaagullit, tikaagulliusaat aamma qipoqqaat: Januarip aallaqqaataaniit decembarip 31-iat ilanngullugu.

Ilitsersuutit: Imarmiunik unioqutitsilluni pisaqartoqartillugu, imminut illersorniarluni imaluunniit piniakkanik killilersukkanik saniatigut pisisuukkanik qassutini saniatigut pisisuuisoqartillugu ilitsersuut nittartakkami www.business-ingreenland.gl -imi takuneqarsinnaavoq.

Sulloqqortussutsimut piumasaaqat: Ataatsimut piniaqatigiilluni tikaagullinniarnermi: Cal. .30-06.

Pisarineqartut 2013-2018	2013	2014	2015	2016	2017	2018
Tikaagulliusaaq	9	12	12	9	8	7
Arfvik	0	0	1	0	0	0
Qipoqqaq	8	7	6	5	2	6
Tikaagullik	181	157	139	163	143	118

QILALUKKAT QAQORTAT QERNERTALLU

Inatsisit: Qilalukkanik qaqortanik qernertanillu piniarneq inatsisitigut qilalukkat qaqortat qernertallu illersugaanerat piniagaanerallu pillugit Namminersorlutik Oqartussat nalunaarutaat nr. 3, 27. januar 2017-imeersumi malittarisassiuneqarpoq.

Piniarnissamut piffissaliussat: Ukioq kaajallallugu qaqortanik qernertanillu qilalugarniartoqartarpoq: januaarip aallaqqaataaniit decembarip 31-iat ilanngullugu.

Iltersuutit: Imarmiunik unioqquitsilluni pisaqartoqartillugu, imminut illersorniarluni imaluunniit piniakkanik killilersukkanik saniatigut pisisuukkanik qassutini saniatigut pisisuuisoqartillugu iltersuut nittartakkami www.business-ingreenland.gl takuneqarsinnaavoq.

Sulloqqortussutsimut piumasaqaat: Cal. .30-06.

Pisarineqartut 2013-2018	2013	2014	2015	2016	2017	2018
Qilalukkat qaqortat	305	271	127	203	196	213
Qilalukkat qernertat	350	415	312	401	426	509

ARFERIT MIKINERIT

Arferit mikinerit tassaapput niisa, anarnaq, aarluarsuk, niisarnaq aarlullu.

Piniarnissamut piffissaliussat: Ukioq naallugu.

PUISIT

Inatsisit: Puisinniarneq inatsisitigut puisit illersugaanerat piniagaanerallu pillugit Namminersornerullutik Oqartussat nalunaarutaat nr. 16, 12. nov. 2010-meersumi malittarisassiunneqarpoq.

Malugiuk: Qasigiaq aamma sigguttoq (puisi sigguttoq) Kalaallit Nunaanni eqqissimatitaalluinnarmata taakkualu piniarneqartunut ilaangillat.

Piniarnissamut piffissaliussat: Puisinniarneq ukioq kaajallallugu ingerlanneqartarpoq, januaarip aallaqqaataaniit decembarip 31-at ilanngullugu.

Sulloqqortussutsinut piumasaqaatit: Cal. 17HMR, Cal. 22WMR aamma Caliber 20.

TUTTUT

Inatsisit: Tuttunniarneq inatsisitigut Namminersorlutik Oqartussat nalunaarutaat nr. 7, tuttut nujuartat illersugaanerat piniagaanerallu pillugit 27. juni 2013-imeersumi malittarisassiunneqarpoq.

Sulloqqortussutsinut piumasaqaatit: Inuussutissarsiutigalugu aamma sunngiffimmi piniarneq: Cal. 222. Tammajuitsussarsiorluni piniarneq: Cal. .243.

Pisissimik piniarneq: Inuussutissarsiutigalugu, sunngiffimmi aamma akiliilluni piniarneq: Pisisseq Compound-iusoq qarsut naqqi aalajangersimasut atorneqartillugit minnerpaamik 45-pund-nik (21 kg.) nusutsisinnaassusilik, qarsullu naqqi mekaniskiusut atorneqartillugit minnerpaamik 55-pund-nik (25 kg.) nusutsisinnaassusilik. Qarsut naqqi aalajangersimasut minnerpaamik 385 grains-nik (25 gr.) oqimaassuseqassapput, qarsuillu naqqi mekaniskiusut minnerpaamik 425 grains-nik (28 gr.) oqimaassuseqassapput.

Pisarineqartut 2013-2018	2013	2014	2015	2016	2017	2018
Tamakkerlugit	11.325	12.961	12.097	12.008	12.460	9.921

UMIMMAAT

Inatsisit: Umimmanniarneq inatsisitigut Namminersorlutik Oqartussat nalunaarutaat nr. 8, umimmaat illersugaanerat piniagaanerallu pillugit 27. juni 2013-imeersumi malittarisassiunneqarpoq.

Sulloqqortussutsinut piumasaqaatit: Inuussutissarsiutigalugu aamma sunngiffimmi piniarneq: 6.5x55mm. Tammajuitsussarsiorluni piniarneq: Cal. .30-06.

Pisissimik piniarneq: Inuussutissarsiutigalugu, sunngiffimmi aamma akiliilluni piniarneq: Pisisseq Compound-iusoq minnerpaamik 60-pund-nik (28 kg.) nusutsisinnaassusilik. Qarsut minnerpaamik 525 grains-nik (34 gr.) oqimaassuseqassapput. Qarsut mekaniskiusut atoqqusaanngillat.

Pisarineqartut 2013-2018	2013	2014	2015	2016	2017	2018
Tamakkerlugit	2.244	2.394	2.386	2.656	1.568	1.772

Piniarnissamat piffissaliussat:

Timmissat killilersukkat – Ukiakkut aamma ukiukkut piniarneq.

	Zone 1	Zone 2	Zone 3	Zone 4
Miteq	15. okt.-30. apr.	15. okt.-30. apr.	15. okt.-31. mar.	15. okt.-30. apr.
Miteq siorakits.	15. okt.-30. apr.	15. okt.-30. apr.	15. okt.-31. mar.	15. okt.-30. apr.
Appa	15. okt.-29. febr.	15. sept. -15. nov.	1. nov.-15. dec.	1. nov.-31. dec.
Appa sig-guttooq	15. okt.-29. febr.	15. sept. -15. nov.	1. nov.-15. dec.	1. nov.-31. dec.
Taateraag	1. sept.-31. okt. 1. mar.-31. mar.	1. sept.-31. okt. 1. mar.-31. mar.	1. sept.-31. mar.	1. sept.-31. mar.

Malugiuk: Inuussutissarsiutigalugu aamma sunngiffimmi piniartut ullormut pisa-risinnaasaat killeqarput.

Timmissat killilersukkat – Upernaakkut piniarneq.

	Zone 1	Zone 2	Zone 3	Zone 4
Miteq	1. maj-31. maj	Ingen fangst	Ingen fangst	Ingen fangst
Miteq siorakits.	1. maj-31. maj	Ingen fangst	Ingen fangst	Ingen fangst
Appa	1. mar.-15. juni	15. apr.-15. maj	Ingen fangst	Ingen fangst
Appa sig-guttooq	1. mar.-15. juni	15. apr.-15. maj	Ingen fangst	Ingen fangst

Malugiuk: Inuussutissarsiutigalugu aamma sunngiffimmi piniartut ullormut pisa-risinnaasaat killeqarput.

Timmissat killilersugaanngitsut:

	Zone 1	Zone 2	Zone 3	Zone 4
Appaliarsuk	1. jan.-31. dec.	1. sept.-30. apr.	1. sept.-30. apr.	1. jan.-31. dec.
Qeerlutooq	1. sept.-29. febr.	1. sept.-29. febr.	1. sept.-29. febr.	1. sept.-29. febr.
Nerleq siggukits.	1. sept.-30. apr.	1. sept.-30. apr.	1. sept.-30. apr.	1. sept.-31. maj
Kangoq	1. sept.-15. okt.	1. sept.-15. okt.	1. sept.-15. okt.	1. sept.-15. okt.
Canadapnerlera	1. aug.-15. okt.	1. aug.-15. okt.	1. aug.-15. okt.	1. aug.-15. okt.
Nerlernaq	1. sept.-30. apr.	1. sept.-30. apr.	1. sept.-30. apr.	1. sept.-31. maj
Serfaq	1. sept.-31. mar.	1. sept.-31. mar.	1. sept.-31. mar.	1. sept.-31. mar.
Alleq	1. sept.-29. febr.	1. sept.-29. febr.	1. sept.-29. febr.	1. sept.-29. febr.
Tulugaq	1. sept.-29. febr.	1. sept.-29. febr.	1. sept.-29. febr.	1. sept.-29. febr.
Qaquulluk	1. sept.-31. okt.	15. aug.-31. okt.	1. sept.-31. okt.	1. sept.-31. okt.
Tuullik	1. sept.-15. okt.	1. sept.-15. okt.	1. sept.-15. okt.	1. sept.-15. okt.
Aqisseq	1. sept.-30. apr.	1. sept.-31. maj	1. sept.-30. apr.	1. sept.-30. apr.
Naajaan-naq	1. sept.-30. apr.	1. sept.-30. apr.	1. sept.-30. apr.	1. sept.-30. apr.
Naajaru-jussuaq	1. sept.-30. apr.	1. sept.-30. apr.	1. sept.-30. apr.	1. sept.-30. apr.
Naajarluk	1. sept.-30. apr.	1. sept.-30. apr.	1. sept.-30. apr.	1. sept.-30. apr.
Oqaatsoq	1. sept.-31. mar.	1. sept.-31. mar.	1. sept.-31. mar.	1. sept.-31. mar.

NUNAMI MILUUMASUT ALLAT

Kukiffaajuup eqqissimatitaanera pillugu Namminersorerullutik Oqartussat nalunaarutaat nr. 13, 13. september 2004-meersoq. Kukiffaajooq Kalaallit Nunaanni eqqissimatitaalluinarpoq ukiorlu kaajallallugu piniacquasaanani.

Kalaallit nunaanni teriannissat eqqissimatitaanerat pillugu Namminersorerullutik Oqartussat nalunaarutaat nr. 20, 17. maj 1989-meersoq.
Piniarnissamut piffissaliussaq: Septembarip 16-ianiit maajip 14-iat ilanngullugu.

Sulloqqortussutsinut piumasagaatit: Timmiarsiut, qoorortuaraq aamma qoorortoq nalinginnaasoq. Sakkut eqittaannartakkat nutsuinnartakkallu atoqqusaanngillat.

Malugiuk: Kommunit/aqutsiveqarfiit ilaanni piniarnermut piffissaliussat atortullu pillugit malitarisassat kommunip ileqqoreqqusaatigut allaanerusinnaapput. Taamaammatt kommunip najugaqarfigisat saaffigiuk. Nalunaarutip nutarterneqarnera ingerlanneqarpoq. Teriannissat pillugit nalunaarut maannakkut nutarterneqarpoq, taamaattumik allannguuteqartorsinnaasoq eqqumaffigissavat.

Pisarineqartut 2013-2018	2013	2014	2015	2016	2017	2018
Katillugit	1.467	1.691	1.220	962	1.093	649

Kalaallit Nunaanni ukallit eqqissimatitaanerat pillugu Namminersornerullutik Oqartussat nalunaarutaat nr. 19, 17. maj 1989-meersoq.

Piniarnissamut piffissaliussaq: Aggustip aallaqqaataaniit apriliip 30-iat ilanngullugu.

Sulloqqortussutsinut piumasagaatit: Timmiarsiut, qoorortuaraq aamma qoorortoq nalinginnaasoq. Sakkut eqittaannartakkat nutsuinnartakkallu atoqqusaanngillat.

Malugiuk: Kommunit/aqutsiveqarfiit ilaanni piniarnermut piffissaliussat atortullu pillugit malitarisassat kommunip ileqqoreqqusaatigut allaanerusinnaapput. Taamaammatt kommunip najugaqarfigisat saaffigiuk.

Pisarineqartut 2013-2018	2013	2014	2015	2016	2017	2018
Katillugit	2.494	2.269	2.265	2.402	2.085	1.165

Kalaallit Nunaanni amaqqut eqqissimatitaanerat pillugu Namminersornerullutik Oqartussat nalunaarutaat nr. 9, 5. maj 1988-meersoq.

Amaqqu eqqissimatitaalluinnarput taamaallaallu Ittoqqortoormiit eqqaani Jameson Land-mi aamma Liverpool Land-mi piniarneqarsinnaallutik. Nalunaarutip nutarterneqarnera ingerlanneqarpoq. Amaqqut pillugit nalunaarut maannakkut nutarterneqarpoq, taamaattumik allannguuteqartorsinnaasoq eqqumaffigissavat.

Kommunimi ileqqoreqqusat

Kommunini ileqqoreqqusaliat arlallit pigineqarput piniarnermik malittarisassanit sukannernerusinnaasut. Taamaattumik kommunimut angerlarsimaffigisannut saaffiginnigit ileqqoreqqusat sorliit kommuninni atuunnersut paasiniallugit. Assersuutigalugu nunatsinni kommunit ilaanni makkununga tunngasuni ileqqoreqqusaqartitsisoqarpoq: puisinniarneq, puisinut qassusersorneq, timmiar-niarneq, qilalukkanut qaqortanut qassusersorneq, qilalukkanut qernertanik piniar-neq, arfernik pilanneq aamma assartuutinut pillugit ileqqoreqqusaliat.



Unioqquitsilluni assartuutit motoorillit atorneqarneraluttuinnarnerat ajornartorsiutaavoq.

Ulovlig kørsel med motoriserede køretøjer udgør et stigende problem.

NAJUKKANNI PINIARNERMUT AALAJANGERSAKKAT PILLUGIT APEQQUTIT

Najukkanni piniarnermut aalajangersakkat nalornissutigukkit kommunimi inuussutissarsiornermut siunnersorti aperisinnaavat imaluunniit Aalisarnermut Piniarnermullu Naalakkersuisoqarfimmi Piniarnermut Aallaaniarnermullu Immikkoortortaqarfik piniakkat killilersukkat killilersugaangitsullu pillugit aqutsi- nermik akisussaasuusoq.

Kommunip najugarisanni piniarnermut tunngasorpassuarnik akissuteqarfigisin- naavaatit, soorlu najukkanni piffissat piniarfiusut atuuttut pillugit, uumasunut killilersukkanut akuersissummik qanoq pissarsisoqartarnera, uumasunik killiler- sukkanik immikkut nalunaarsuiffiit immersorneqarnissaat allarpasuillu pillugit.

Aammattaaq nittartagaq www.sullissivik.gl aqputigalugu piniakkanut tunngasut nalinginnaasumik paasissutissat pissarsiarineqarsinnaapput.


sullissivik.gl
Sammisag toqqaruk

Imminut sullinneq

Kommuneqarfik Sermersooq

Aallaaniarnej, piniarnej aalisarnerlu

Inuussutissarsitigalugu piniartuuguit imaluunniit inuussutissarsitigalugu aalisartuuguit, aallaaniartuut imaluunniit sunngiffinni aalisartuut, takomariaaagut Kalaallilu Nunaanni aallaaniarusullutit, imaluunniit piniagassat assigiinngitsut pillugit immikkut maleruagassartai takujumallugit paasissutissat ituaqtaasinnaasullu takukkit.



<p><u>Inuussutissarsiutinut tapersiisarnej / ESU</u></p> <p>Se alle</p>	<p><u>Piniagassat assigiinngitsut</u></p> <p>Se alle</p>	<p><u>Aalisakkat sueneri aamma akuersissut</u></p> <p>Se alle</p>
<p><u>Piniarnermut allaqartag</u></p> <p>Se alle</p>	<p><u>Nakkutillineq</u></p> <p>Se alle</p>	<p><u>Pisassiissutit</u></p> <p>Se alle</p>
<p><u>Kalaallit Nunaanni Uumasunut Nakorsaqarfik Inuussutissalerinermullu Oqartussaqaarfik</u></p>		


*Sullissiviup nittartagaq.
Sullissiviks hjemmeside.*

PINIARNERMUT ALLAGARTALERINERMI IMMINUT SULLISSINEQ

Ukiumoortumik pisanik nalunaarsuiffik Aalisarnermut, Piniarnermut Nunalerinermullu Naalakkersuisoqarfimmut nas-siunneqarnek ajorput, illit nammineq www.sullissivik.gl aqqutigalugu imaluunniit najukkanni Sullissivimmi nalunaarutigisassavatit. Piniarnermut allagartaler-suinermut tunngasut taakku marluk aqqutigalugit iserffigisinnaavatit, tassanilu aamma piniarnermut allagartat ukiup ingerlanerani tammaassimagukku anillatseqqissinnaavat imaluunniit pdf-tut toqqorsinnaallugu. Netbank aqqutigalugu akiliisimanermiit uppernarsaatip anillatseqqinnissaa eqqaamassavat.

Piniarnermut allagartamik immikkut akuerineqarnissaq pillugu qinnuteqaatit Aalisarnermut, Piniarnermut Nunalerinermullu Naalakkersuisoqarfiup suli suliarisarpai.

Piniarnermut allagartat pappiarq A4-tut angissuseqarpoq. Allakkerivimmi akiliisimaguit eqqaamallugu illit atit allaqqasortaliup nassarnissaa. Tassa taanna akiliisimanermut uppernarsaat ilanngullugu piniarnermut allagartaasoq. Piniarnermut allagartat suli plastikkimik poorsinnaavat. Tamanna PINIARNEQ tunniunneqarpat ilanngullugu tunniunneqartarput.



Test Testen
Testvej 1
3950 Aasiaat

**ILLIT PAARISASSAT
PINIARNERMUT ALLAGARTAT**

**PINIARNERMUT ALLAGARTAQ
PINIARNEQ 2018**

PINIARNERMUT ALLAGARTAQ
Atuillerepoq bariit akiliisimalluunniit akilileq uppernarsarluq naqqussilangaat. Namminerisamik grokoto atornerpaat aningasserivimmi uppernarsaat piniarnermut allagartamut uppernarsaat. Akiliisissiat nalinginnaasut Piniarnermut allagartaq inummunnaq kunnngavoq Allagartaq piniarnermut 2018-mi 1. januarim - 31. decemberimut.

CPR-NR. 1234567890

JAGTBEVIS Sunngiffimi / Fritidsjæger
Kunngiigt som jagtbevis med bankens eller posthusets kvittering for indbetaling. Berytelse egen grokoto skal kvitteringen fra jagtbeviset giver adgang til jagt i perioden 1. januar - 31. december 2018.

PINIARNERMUT ALLAGARTAP AKILERNISSAANIT ILITSERLUUT.
Allagartap akilerissaa.
Piniarnermut allagartaq bankimut allakkerivimmutunniit akilerissani saataat atuillerepoq. Allagartaq akilerissasut naqqussarissasoq aammalu grokotoq baarsaa una tassapput piniarnermut akuerissat. Namminerisamik grokoto atornerpaat aningasserivimmi uppernarsaat piniarnermut allagartamut uppernarsaat. Akiliisissiat nalinginnaasut atorlugit imaluunniit aningassanik Allagartap uppernarsaat taamarsaa.
Piniarnermut allagartat www.sullissivik.gl imaluunniit kommunip Sullissiviani aningassinnaavat.

VEJLEDNING I INDBETALING AF JAGTBEVISAFGIFTEN.
Indbetaling af jagtbevisafgiften:
Jagtbeviset er først gyldigt, når det er kvitteret for indbetaling i en bank eller posthus. Kvitteringsdelen sammen med denne del af grokoto udgør jagtbeviset. Hvis egen grokoto berytelse skal kvitteringen fra banken vedlægges jagtbeviset. De kan ikke betale jagtbevisafgiften på allerede indbetalingskort eller ved at sende penge til Departementet for Fiskeri og Fangst.
Erstatingjagtbevis:
Bortkommer Deres jagtbevis og ønsker De fortsat at kunne gå på jagt, kan De genprintere deres jagtbevis via selvbetjeningsløsningen på www.sullissivik.gl eller i kommunens BorgerService Center.

Inuutarnersumik inuulluqqussuluta/ med venlig hilsen
Aalisarnermut Piniarnermut Naalakkersuisoqarfik / Departementet for Fiskeri og Fangst

<p>Reg.nr. Kontonr.</p> <p>Indbetaling og akilernissabetalelse: 201812345678909</p> <p>Test Testen Testvej 1 3950 Aasiaat</p> <p>Indbetaling af Betalingsdividende PBB-nr.: Delgr.: Kunder: _____</p> <p>2 5 0 0 0</p> <p>3 0 0 4 1 8</p> <p>71< 201812345678909+80060815<</p>	<p>INDBETALINGSKORT Kan betales i pengemaskiner og på posthuset</p> <p>80060815 PINIARNEQ 2018 Kalaallit Nunaanni Namminerisamik Qaartusaat Gruelands Selvslyce Postboks 269, 3900 Nunaq Underskrift ved overførsel fra konto</p> <p>ILLAKKERIVIUP TIGUSSASSAA</p>	<p>KA 71 Check og lignende overføres uden check og uden at der er tryk på resten af indbetalerens navn. Ved kontrol af et af tryk i resten af indbetalerens navn er det sandsynligt, at indbetaleren har tryk på resten af indbetalerens navn. Indbetaleren kan derfor ikke betale med indbetalerens navn.</p> <p>80060815 PINIARNEQ 2018 Kalaallit Nunaanni Namminerisamik Qaartusaat Gruelands Selvslyce Postboks 269, 3900 Nunaq</p> <p>ILLIT PAARISASSAT AKILIISIMANERNUT UPPERNARSAAIT</p> <p>2 5 0 0 0</p> <p>71< 201812345678909+80060815<</p>
--	--	--



Assiliisoq/fotograf: Kristin Laidre